



Broj 10, august 2008.

Poštovani čitatelji,

Iako je ljeto period godišnjih odmora koji obično donosi period opuštanja i umanjene radne aktivnosti, DTT Forum je nastavio intenzivan rad. U mjesecu julu održani su sastanci radnih grupa, pojedinačni sastanci sa koordinatorima, te je bila vrlo aktivna pismena korespondencija u formi komentara i sugestija, a koji su se odnosili na nacrt za prijedlog Strategije prelaska na digitalno emitovanje Bosne i Hercegovine koja bi uskoro trebala biti dostavljena Vijeću ministara na usvajanje.

U cilju što bolje informisanosti građana o prelasku sa analognog na digitalno emitovanje, Sekretarijat DTT Foruma je radio na pripremi završnog materijala za web stranicu dtt.ba koja ima za cilj da pruži informacije o prelasku na digitalno emitovanje u Bosni i Hercegovini.

Put kojim je krenula i Bosna i Hercegovina je put ka digitalnoj budućnosti u skladu sa evropskom praksom i dinamikom, istovremeno pružajući, u okviru konvergencije sektora komunikacija, značajne mogućnosti razvoja novih tehnologija, inovacija i usluga.



AKTIVNOSTI U JULU

Sastanak radne grupe za regulativu održan je 09. jula 2008. godine



Sastanak radne grupe za regulativu

- Na sastanku je koordinator radne grupe za regulativu Dennis Gratz rekao da se dokument ove radne grupe uglavnom bazira na zaključcima sa konferencije održane 22. maja ove godine.
- Zaključeno je također da je neophodno organizovati sastanke sa proizvođačima opreme, udruženjima za zaštitu potrošača, marketing agencijama i sa udruženjima osoba sa posebnim potrebama.

Sastanak radne grupa za sadržaj održan je 16.07.2008. godine

- ☛ Koordinator radne grupe za sadržaj Elvir Šurković je predložio da je potrebno definisati servise za osobe sa posebnim potrebama koje će emiteri ponuditi prelaskom na digitalno emitovanje. Rečeno je da su mogućnosti analogne televizije limitirane ponudom servisa koji se tiču osoba sa posebnim potrebama, dok digitalna tehnologija nudi praktično mnogo više.



Sastanak radne grupa za tehniku održan je 22. 07. 2008. godine



- ☛ Na sastanku se razgovaralo o potrebi izrade minimalnih zahtjeva za set-top box kao i mogućnostima povratnog kanala.
- ☛ Dogovoreno je da radna grupa za regulativu ispita preporuke za ograničenje prodaje opreme
- ☛ Razgovaralo se o pokretanju i realizaciji Pilot projekta, uključivanju javnih servisa, simulcast emitovanju. Naglašeno je da je potrebno da javni servisi izraze interes i da se intenzivno uključe u projekat.

VIJESTI IZ SVIJETA

HRVATSKA - USVOJENA STRATEGIJA

Vlada Republike Hrvatske 31. 07. 2008. godine usvojila je Strategiju prelaska s analognog na digitalno emitiranje televizijskog programa. Dokument nudi smjernice za budući razvoj televizije u Republici Hrvatskoj.



Početak emitovanja digitalnog televizijskog signala na području cijele Republike Hrvatske očekuje se od 1. januara 2011. godine.

Izvor: <http://e-hrvatska.hr/sdu/hr/e-hrv/vijest.html?h=/hr/e-hrv/contentParagraph/06&c=/hr/ProgramEHrvatska/Provedba/Br oadband>

JAPAN - NAJTANJI I NAJLAKŠI LCD TELEVIZOR



Sony Korporacija u Tokiu, objavila je da će se ove godine na tržištu pojaviti najtanji i najlakši LCD televizor.

Novi 40-inčni model (101.6 cm) je samo 9,9 mm širok a težak samo 12,2 kg. Procjenjuje se da će u Japanu koštati \$4.478.

Na tržištu će se naći i prvi LCD televizor koji prikazuje 240 slika u sekundi za razliku od sadašnjih Sony modela koji prikazuju 120 slika u sekundi. Više slika u sekundi (frames per second) znači bržu pokretljivost i povezanost slike što je posebno značajno u sportskim programima i akcionim filmovima.

Izvor:

http://news.yahoo.com/s/nm/20080828/tc_nm/sony_dc

ŠPANIJA - DTT POKRIVENOST



Od kraja jula, pristup DTT uslugama u Španiji ima 89,15% populacije, što predstavlja 3,8% povećanje pokrivenosti u poređenju sa istim periodom prošle godine.

Kao naredni korak, pokrivenost mora dostići 90% populacije do kraja ove godine a 93% do 31.jula 2009.godine. U završnoj fazi prelaska sa analognog na digitalno emitovanje emitovanja, usluge Javnog servisa moraju biti dostupne za 98% populacije, dok 96% populacije mora biti u mogućnosti da prima usluge komercijalnih emitera.

Izvor: [Rapid TV News http://www.digitag.org/](http://www.digitag.org/)

DVB-T2 STANDARD



DVB Upravni odbor potvrdio je DVB-T2 specifikaciju druge generacije DTT prenosa. Od juna 2007 i marta 2008 više od šezdeset DVB članova organizacije kroz niz sastanaka, telefonskih konferencija i hiljade razmjenjenih e-mailova, definirali su DVB-T2 standard.

DVB-T2 specifikacija koja je potvrđena na 58 sastanku, je druga generacija prenosnog sistema digitalne terestrijalne televizije i predstavlja najnoviju modulaciju i tehnologiju kodiranja u korištenju terestrijalnog spektra za audio, video i informacione servise.

Izvor:

http://www.dvb.org/news_events/news/dvb_steering_board_ratifi/index.xml

Rječnik digitalnih pojmova

DAB (Digital Audio Broadcasting)

Digitalno radio emitovanje (DAB) je standard digitalnog prenosa zvučnog signala u opsegu frekvencija od 30MHz do 3GHz namijenjen je za satelitsko, kablovsko i terestrijalno emitovanje.



Digital dividend

Digitalna dividenda je dio frekventnog spektra koji je oslobođen potpunim prelaskom sa analognog na digitalno emitovanje i koji može biti iskorišten za implementaciju drugih servisa.

Dolby Digital

Dolby Digital ili AC3 (Advanced Codec 3 ili Audio Codec 3) je audio kompresijska tehnologija koja se koristi u kinima i kućnim produkcijama, stvara prateće efekte. Sastoji se od šest kanala, pet kanala za zvučnike normalnog raspona (20 Hz - 20,000 Hz) i jedan kanal za niskofrekventne efekte (LFE - low-frequency effects). Dolby Digital je oficijelni standard za digitalnu tv i HDTV.

DVB (Digital Video Broadcasting)



Internacionalno prihvaćen standard za digitalnu televiziju. DVB projekt koji se brine o standardima digitalne televizije uključuje preko 270 članova sa zadatkom da razvijaju sistem digitalne televizije u Europi. DVB sistemi se prenose koristeći različite standarde uključujući satelitski kablovski i zemaljski.

Planirane aktivnosti

U narednom periodu planirani su:

- ☛ Redovni sastanci radnih grupa DTT Foruma,
- ☛ Izrada završnog nacrtu Strategije,
- ☛ DTT radionice i okrugli stolovi u nekoliko gradova u Bosni i Hercegovini.